

# INUIT ATAQATIGIIT INATSIARTUNI



UKA2024/132

03.02.2025

Kristian Jeremiassen

**Sumiiffinni aalajangersimasuni KNI A/S-ip pisiniarfiutai  
akilersinnaasumik ingerlasinnaasut pillugit Naalackersuisut  
nalunaarusioqqullugit peqquneqarnissaannik Inatsisartut  
aalajangiiffigisassaattut siunnersuut. Pisiniarfiit taakku nioqqutissanik  
pilersuinissamut pisortaniit kiffartuussinissamut  
isumaqatigiissuteqarnissamut pisussaaffeqarunnaassapput. UPA2025  
nallertinnagu nalunaarusiaq agguanneqassaaq.**

(Inatsisartunut ilaasortaq Aqqalu C. Jeremiassen, Atassut)

Torrallassimanngisagut ilinniarfinginiartigit. Nuuk imeq unammilleqatigiinneq piulermat ingerlaannaq matuneqarpoq, suliffeqarfik ajunngeqqissaaq inuiaqatigiinnut iluaqutaasoq puukunillu utertitsisarnermi torrallataasumik inissisimasoq- sodavand-utaalu pittaanerit tikisitaniit annaavagut. Atagu sermersuaq Inatsisartut ataatsimiittarfianiit takorluulaariartigu; sermersuarmiit imeq kuuttoq imaanut kuuinnarpoq atorluarnatigu illuatungaani avataaniit tikioraasitsivugut sodavand-inik baajanik allanillu sermerusarmiillu imeq mingueqisoq atorluarnagu imingassatsinnik Danmark-imiit tikioraasitsivugut imersuarlu atorluarnagu, tassa Inatsisartuni torrallassimanngisarput kiffaannngissuseqartumik niuernermik talerperliit kissaatingisaat akuerinikkuarput, atagu tamanna ilinniarfingilaarniartigu. Kukkususat amerliartuinnartinnatigit. Toqqaannartumik oqaatigalugu Nuuk imeq pisariaqartoq politikkkut saamerliit siunnersuuteqarnerannik isumaqatigiissutigisimasatsinnik uagut aamma Inuit Ataqatigiit peqataaffipput ilinniarfingilaarniartigu.

# INUIT ATAQATIGIIT INATSISARTUNI



Atassutip siunnersuutaa tunngaviatigut Inuit Ataqatigiit isumaqatinginngilarput Danmark-imiittungaluarpat tulluarnepaassaaq siunnersuutigineqartoq kisiaan-ni Danmark-i Kalaallit Nunaallu niuernikkut assersuunneqarsinnaanngilluinnarput piffiit imaaliillaannarlugit tikinneqarsinnaanngillat aammalu pinngortitami peq-qarniittumi inuuvugut, oqaannarluni kaperlaap nalaani ajornarsisarpoq piffimmiit piffimmukarnissaq.

Pisiassat tungaatingut isorliunerusuniittut akisunermik ingerlatsivingineqar-nissaat isumassarsiatsialaanngilaq nunarput isorartuvoq aammalu isorliuneru-suniittut ajornerusumik atungaqalissapput siunnersuutip qulequtaa piviusun-gortinneqassappat, kiammi kissaatingissavaa akisunerusumik pisiassaqaalernis-saq? Kialuunniit kissaatinginaviannngilaa. Inuit Ataqatigiit takusinnaasagut nu-nattalu aaqqissuussaanaera malillugu pisiniarfiit Uummannakkunnit itut kif-fartuussinissamut isumaqatingiisummi ilaajunnaarpata akit akisunerulissapput inuuniarnerlu oqimaannerulerluni.

Nunarput asseqanngilaq, nammanneqarsinnaanngilaq isorliunerusuni pisiniarfinni imminut akilersinnaasuni kiffartuussinissamut isumaqatingiisutit atorunnaarpata akit innuttaasunut oqimaarsartitsereersut suli oqimaarsartin-neqarnerulissapput, nammaqatigiittariarqarpugut kikkut tamarmik illoqarfinnut anginerusunut inuuniarnermi pisiassatigut ilaatigut akikinneruffiusunut inuit nutsersinnaanngillat, taaamaammat pisariaqarpoq najugaqariaaserput eqqar-saatigalugu aaqqiisimaneq mianerisariaqarparput, naak siunnersuuteqartoq tunngavilersoraluartoq Uummannaq kiffartuussinissamut isumaqatigiisummi peerneqartariaqartoq ajussaqaq akit aqutassaajunnaarlutik inissinneqassap-

# INUIT ATAQATIGIIT INATSIARTUNI



ata sulilu pisiassat akii qaffakkaluttuinnarlutik tamanna pissusissamisuunngilaq taamaammat akuerisinnaanngilarput siunnersuutip qiterissammangu sulii innuttaasut eqiterukkaluttuinnarnissaat, isorliunerusunimi najungallit najungaqaannarnissaanut periarfissaqartuartariaqarput inuuniarneq akisoorujussuummat nioqqutissatigut isorliunerusuni.

Siunnersuut inuiaqatigiinnut oqimaarsartitsilissaaq najungaqariuseq illoqarfisuarnut anginernut sulii nuunnissamut nukittorsaanginnassaaq isorliunerusuniittut eqqorneqaqqissapput pisiassat akittoraluttuinnarnerannik taamaammat siunnersuut Inuit Ataqatigiit itingartipparput.

Qujanaq.